



Saunia e Peresitene Susan H. Porter
Peresitene Aooa o le Peraimeri

SOOTAGA FAALEFEAGAIGA

Na aooa mai Peresitene Nelson e faapea e i ai i le Tama Faalelagi se alofa faapitoo mo i latou o e osia feagaiga ma Ia.* Pe a papatisoina ma faamauina i tatou, ua tatou folafola atu o le a tatou tuuto ma faamaoni ia te Ia. Na te faia foi lea folafolaga e tasi ia i tatou.

* "O Le Feagaiga e Faavavau,"
Liahona, Oke. 2022, 4-11.

E Mafai Ona E Faia se Eseeesega

Ealolofa tele le Tama Faalelagi ma Iesu Keriso ia te oe. Ona La'ua te alolofa ia te oe, ua La'ua valaaulia ai oe e osia feagaiga, po o folafolaga, ma i La'ua. E amata ona e faia na folafolaga pe a e papatiso.

A uma lou papatisoga, e te maua le meaalofo o le Agaga Paia. E avea oe o se tagata o Le Ekalesia a Iesu Keriso o le Au Paia o Aso e Gata Ai. O lona uiga e faatuatuaina oe e le Tama Faalelagi e tausia au feagaiga.

O le a se mea e mafai ona e faia o se tagata atoa o le Ekalesia e tausia ai au feagaiga? E mafai ona e faafeiloaia isi i le Peraimeri. E mafai ona e nofo i tafatafa o se tasi e fou ma fesoasoani ia i latou e aooa ia pese. E mafai ona e fesoasoani i gaoioiga a le Peraimeri. E mafai ona avea oe o se taitai i lou aiga. E mafai ona e fai atu e fai se tatalo faaleaiga pe faasoa atu mea na e aooa i le Peraimeri.

A uma ona e maua le Agaga Paia, e mafai ona e vaai manaoga o isi i se auala fou. E mafai ona e tatalo i le Tama Faalelagi ma faapea atu, "Fesoasoani mai ia ou iloa po o ai e mafai ona ou fesoasoani i ai i le asō." Ona mafai lea ona fesoasoani le Agaga Paia ia

te oe e maitau se tasi o nofo na o ia pe ta'u atu ia te oe e faatalofa i se uo. E te faia se eseeesega tele pe a e filifili e fesoasoani atu i isi. O loo e galue o se tagata o le Ekalesia a le Tama Faalelagi!

E alofa le Tama Faalelagi ia te oe. E finagalo o Ia e te taitai faatasi ma au faataitaiga i soo se mea e te alu i ai ina ia mafai ona e aumaia isi ia latalata atili atu ia te Ia. Ae e le tataua ona e faia nao oe. O le a le taofia lava le fesoasoani mai o le Tama Faalelagi ma Iesu Keriso ia te oe. E mafai ona e lagonaina le mautinoa aua ua e iloa o loo La faatasi ma oe. E mafai ona e vaai faalemafaufau ia Iesu o tu i ou tafatafa i taimi uma. ●

Mai se faatalanoaga ma Olivia Kitterman ma Rachel Peterson.

O ai e mafai ona ou fesoasoani i ai i le asō?

Tusi ou manatu i lau filifili pepa!



O Se Filifili o Uo

1. Oti ese le vaega paepae i le itu taumatau. Pe tusi le ata o le mamanu i luga o se isi pepa e otioi.
2. Gagau i luga o laina i tua ma luma e pei o se ili.
3. Oti ese le auivi ua gaugau o le tagata.
4. Tatala e vaai ai i se filifili o uo o uu lima! Teuteu ia foliga e pei o ni tagata e te alofa i ai.



ATA NATUSIA E JARED BECKSTRAND

